

ODRŽAN SASTANAK S PREDSTAVNICIMA BOSANSKOG PETROVCA

11.06.2025 17:08



U prostorijama Federalne uprave za geodetske i imovinsko-pravne poslove održan je sastanak s predstavnicima Općine Bosanski Petrovac. Tema sastanka bila je trenutno stanje realizacije projekata te buduće aktivnosti sektora zemljišne administracije na području ove općine.

Najveći interes je iskazan za aktivnost označenu kao prioritet - izlaganje podataka premjera i katastarskog klasiranja. Pripreme za izlaganje podataka premjera i katastarskog klasiranja provedene su kroz izradu privremene baze podataka premjera i katastarskog klasiranja (BPIKK), koja je kvalitetno završena. Započeo je sam proces izlaganja, u skladu s Uredbom, ali dinamika nije na željenom nivou, imajući u vidu značaj i interes Općine za kvalitetnijim katastarskim i zemljišnoknjižnim podacima.

Dogovorena je okvirna dinamika nastavka procesa izlaganja uz podršku novog projekta Svjetske banke (GIVE), ali i uz korištenje budžetskih sredstava, kako bi Općina Bosanski Petrovac u što skorije vrijeme imala kvalitetnije podatke o nekretninama.

